



მგზავრობის დაგეგმვის პროგრამული მოდულების შექმნა, ვებ-საიტზე ან შიდა მოხმარების პროგრამებში

ჩასაშენებლად - სახელმწიფო შესყიდვის

გამარტივებული ელექტრონული ტენდერის

სატენდერო დოკუმენტაცია

ქ.თბილისი

2012 წ.

**სატენდერო დოკუმენტაცია, პრეტენდენტის მიერ წარმოსადგენი
სატენდერო წინადადება და მისი შევსების წესი**

1. სატენდერო დოკუმენტაცია

- 1.1 სატენდერო დოკუმენტაცია არის დოკუმენტთა პაკეტი, რომელიც შეიცავს სრულ ინფორმაციას შესყიდვის ობიექტის, სატენდერო პროცესის და სახელმწიფო შესყიდვის შესახებ ხელშეკრულების ძირითადი პირობების თაობაზე.
- 1.2 სატენდერო დოკუმენტაცია მოიცავს:
 - 1.2.1 სატენდერო წინადადების ფასს (დანართი №1).
 - 1.2.2 მომსახურების გაწევის ვადებსა და ადგილს (დანართი №2).
 - 1.2.3 ანგარიშსწორების პირობებსა და ვადებს (დანართი №3).
 - 1.2.4 ტექნიკურ პირობებს (დანართი №4).
 - 1.2.5 სახელმწიფო შესყიდვის შესახებ ხელშეკრულების ფორმას.
 - 1.2.6 პრეტენდენტის მიერ წარმოსადგენი საკვალიფიკაციო მონაცემების ჩამონათვალი.
 - 1.2.7 მომსახურებისა სპეციფიკიდან გამომდინარე სხვა დამატებით ინფორმაციასა და დოკუმენტაციას.
- 1.3 ტენდერის ჩატარების შესახებ განცხადებით და/ან სატენდერო დოკუმენტაციით მოთხოვნილი ინფორმაციის არასრულად წარმოდგენამ ან ისეთი საკვალიფიკაციო დოკუმენტებისა და/ან სატენდერო წინადადების წარდგენამ, რომელიც არ პასუხობს ტენდერის ჩატარების შესახებ განცხადების და/ან სატენდერო დოკუმენტაციის ყველა მოთხოვნას, შეიძლება გამოიწვიოს ტენდერში მონაწილე პრეტენდენტის დისკვალიფიკაცია.
- 1.4 ტენდერში მონაწილე პრეტენდენტის სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია, შედგენილ უნდა იყოს ქართულ ენაზე (თუ სატენდერო დოკუმენტაციით სხვა რამ არ არის გათვალისწინებული).
- 1.5 სატენდერო დოკუმენტაცია "Microsoft Word"-ის ფორმატში შესაძლებელია ნახოთ და გადაწეროთ ინტერნეტ საიტიდან www.ttc.com.ge

2. პრეტენდენტის მიერ წარმოსადგენი სატენდერო წინადადება

- 2.1 პრეტენდენტის სატენდერო წინადადება უნდა შეიცავდეს შემდეგ ინფორმაციას:
 - 2.1.1 სატენდერო წინადადების ფასის ფორმას (დანართი №1);
 - 2.1.2 თანხმობას სატენდერო დოკუმენტაციით გათვალისწინებულ მომსახურების გაწევის ვადებსა და ადგილზე (დანართი №2);
 - 2.1.3 თანხმობას სატენდერო დოკუმენტაციით გათვალისწინებულ ანგარიშსწორების პირობებსა და ვადებზე (დანართი №3);
 - 2.1.4 ტექნიკური პირობები (დანართი №4);
 - 2.1.5 სატენდერო წინადადება უნდა შეიცავდეს პრეტენდენტის დასახელებას, იურიდიულ მისამართს, ტელეფონს/ფაქსს, საბანკო რეკვიზიტებს, ხელმძღვანელის სახელსა, გვარს;
 - 2.1.6 სხვა დამატებითი ინფორმაცია, რაც გათვალისწინებულია სატენდერო დოკუმენტაციით.
- 2.2 2.1 პუნქტით გათვალისწინებული ყველა ინფორმაცია და დოკუმენტაცია ერთიანობაში წარმოადგენს პრეტენდენტის სატენდერო წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში პრეტენდენტის მიერ სატენდერო წინადადების შეთავაზებისას.
- 2.3 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.
- 2.4 სატენდერო დოკუმენტაციის წარმოდგენისას სატენდერო წინადადების საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (მათ შორის დღგ - თუ სატენდერო განცხადებით სხვა რამ არ არის გათვალისწინებული).
- 2.5 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.
- 2.6 სატენდერო წინადადების დანართი №1-ით წარმოდგენილი სატენდერო წინადადების საერთო ფასი (წარმოდგენილი, როგორც ციფრობრივად ასევე სიტყვიერად) უნდა შეესაბამებოდეს პრეტენდენტის მიერ სატენდერო წინადადების წარმოდგენისას ერთიან ელექტრონულ სისტემაში ატვირთულ პირველად ფასს.
- 2.7 ტენდერში ხელშეკრულების შესრულების უზრუნველყოფის მექანიზმი (ასეთის არსებობის შემთხვევაში) გამარჯვებულის გამოვლენის შემდეგ, ხელშეკრულების გაფორმებამდე, პრეტენდენტის მიერ წარმოდგენილი უნდა იქნეს საბანკო გარანტიის ფორმით.
 - 2.7.4 საბანკო გარანტია (ასეთის არსებობის შემთხვევაში) პრეტენდენტის მიერ წარმოდგენილი უნდა იქნეს ხელშეკრულების ჯამური ღირებულების 5 პროცენტის ოდენობით.
 - 2.7.5 პრეტენდენტის მიერ წარმოდგენილი საბანკო გარანტიის მოქმედების ვადა მინიმუმ 30 კალენდარული დღით უნდა აღემატებოდეს მომსახურების გაწევის ვადებით განსაზღვრულ მიწოდების საბოლოო ვადას.

3 პრეტენდენტის მიერ წარმოდგენილი სატენდერო წინადადების შევსების წესი

- 3.1 სატენდერო წინადადების ფასისა და მომსახურების ხარჯთაღრიცხვის ფორმა (დანართი №1).
 - დანართი №1-ში იწერება - დანართის შევსების თარიღი, პრეტენდენტის დასახელება, შემოთავაზებული სატენდერო წინადადების საერთო თანხა, პასუხისმგებელი პირის თანამდებობა, სახელი, გვარი.
 - პასუხისმგებელი პირი შევსებულ ფორმაზე აწერს ხელს და ამოწმებს საწარმოს ბეჭედით (ასეთის არსებობის შემთხვევაში).
 - დაუშვებელია დანართი №1-ში სხვა რაიმე პუნქტის, ველისა და ა.შ. დამატება.
- 3.2 თანხმობა სატენდერო დოკუმენტაციით გათვალისწინებულ მომსახურების გაწევის ვადებზე და ადგილზე (დანართი №2).
 - ივსება მხოლოდ პასუხისმგებელი პირის თანამდებობა, სახელი, გვარი.
 - პასუხისმგებელი პირი შევსებულ ფორმაზე (თანხმობის ნიშნად) აწერს ხელს და ამოწმებს საწარმოს ბეჭედით (ასეთის არსებობის შემთხვევაში).
- 3.3 თანხმობას სატენდერო დოკუმენტაციით გათვალისწინებულ ანგარიშსწორების პირობასა და ვადებზე (დანართი №3).

- დანართი №3-ში იწერება - დანართის შევსების თარიღი, პრეტენდენტის დასახელება, პასუხისმგებელი პირის თანამდებობა, სახელი, გვარი.
- პასუხისმგებელი პირი შევსებულ ფორმაზე (თანხმობის ნიშნად) აწერს ხელს და ამოწმებს საწარმოს ბეჭედით (ასეთის არსებობის შემთხვევაში).

3.4 ტექნიკური პირობები (დანართი №4);

- პასუხისმგებელი პირი შევსებულ ფორმაზე აწერს ხელს და ამოწმებს საწარმოს ბეჭედს (ასეთის არსებობის შემთხვევაში).
- პასუხისმგებელი პირი მის მიერ წარმოდგენილ ტექნიკურ პირობებს ესმევა თარიღი, აწერს ხელს და ამოწმებს საწარმოს ბეჭედით (ასეთის არსებობის შემთხვევაში).

3.5 სატენდერო წინადადების წარმოდგენისას ზემოაღნიშნულ დანართებთან ერთად ერთიან ელექტრონულ სისტემაში უნდა ატვირთოს პრეტენდენტის რეკვიზიტები, რომელიც მოიცავს შემდეგ ინფორმაციას: პრეტენდენტის დასახელებას, იურიდიულ მისამართს, ტელეფონს/ფაქსს, საბანკო რეკვიზიტებს, ხელმძღვანელის სახელს, გვარს;

3.6 სხვა დამატებითი ინფორმაციისა და დოკუმენტაციის (ასეთის არსებობის შემთხვევაში) შევსების წესი განისაზღვრება დამატებით მოთხოვნებისა და/ან შენიშვნის სახით.

მგზავრობის დაგეგმვის პროგრამული მოდულების შექმნა, ვებ-საიტზე ან შიდა მოხმარების პროგრამებში ჩასაშენებლად - სატენდერო წინადადების ფასი (დღგ-ს ჩათვლით, ლარი) და მომსახურების ხარჯთაღრიცხვა

(შევსების თარიღი)

_____ ადნიშნულ მომსახურებას გთავაზობთ _____ (_____) ლარად.

(პრეტენდენტის დასახელება)

(თანხა ციფრებით)

(თანხა სიტყვიერად)

(თანამდებობა, სახელი, გვარი)

(ხელმოწერა)

მომსახურების გაწევის ვადები და ადგილი

- მომსახურების გაწევა უნდა განხორციელდეს არაუგვიანეს 2012 წლის 31 მაისისა.
- მომსახურების გაწევის ადგილია: შემსყიდველის ადგილსამყოფელი (შესყიდვის ობიექტების კონკრეტული მისამართები გადაეცემა ტენდერში გამარჯვებულ კომპანიას).

(თანამდებობა, სახელი, გვარი)

(ხელმოწერა)

ანგარიშსწორების პირობები და ვადები

(პრეტენდენტის დასახელება)

(შევსების თარიღი)

- ანგარიშსწორება განხორციელდება უნაღდო ანგარიშსწორების ფორმით.
- ანგარიშსწორება განხორციელდება 15 სამუშაო დღის განმავლობაში, გაფორმებული მიღება-ჩაბარების აქტისა და საგადასახადო ანგარიშ-ფაქტურის (იმ შემთხვევაში, თუ მიმწოდებელი არ არის დღგ-ს გადამხდელი, მის მიერ წარმოდგენილი უნდა იქნეს ცნობა საგადასახადო ინსპექციიდან დღგ-ს არგადამხდელის შესახებ) წარდგენის საფუძველზე.

(თანამდებობა, სახელი, გვარი)

(ხელმოწერა)

ტექნიკური პირობა

შესყიდვის ობიექტის აღწერა:

შესყიდვის ობიექტია სერვერული პროგრამული უზრუნველყოფა, რომელიც გაეშვება სერვისების ან/და ვებ-აპლიკაციების სახით და სატრანსპორტო კომპანიის სადისპეტერო სისტემებიდან რეალურ დროში მიღებული ავტობუსების GPS კოორდინატების და მონაცემთა ბაზებიდან მიღებული განრიგების, მარშრუტების წირების, გაჩერებების და ა.შ. ინფორმაციის საფუძველზე უზრუნველყოფს შემდეგი მონაცემების გამოთვლა-ასახვას:

- კონკრეტული მარშრუტის წირის გამოტანა რუკაზე შესაბამისი გაჩერებებით და განრიგით;
- მგზავრობის დაგეგმვა;
- კონკრეტული გაჩერების ტაბლოს ჩვენება;
- კონკრეტული მარშრუტისთვის:
 - რუკაზე ავტობუსების რეალურ დროში ჩვენება;
 - სქემატურად, გაჩერებების მიხედვით ავტობუსების რეალურ დროში ჩვენება;
- PDF დოკუმენტების გენერირება:
 - კონკრეტული მარშრუტისთვის სქემატური გამოსახულება და განრიგის ცხრილი;
 - გაჩერებისთვის კონკრეტული მარშრუტის მისვლის განრიგი;
- რეალურ დროში ხაზზე მომუშავე ავტობუსების რაოდენობა მარშრუტების მიხედვით და სულ;

პროგრამამ შესაბამისი პარამეტრების საფუძველზე უნდა მოახდინოს შიდა თუ გარე მოხმარების ვებ-გვერდზე ჩასაშენებელი "ფანჯრების" ავტომატური გენერაცია.

ფუნქციების დეტალური აღწერა

კონკრეტული მარშრუტის წირის გამოტანა რუკაზე შესაბამისი გაჩერებებით და განრიგით - ამ ფუნქციით, სადისპეტერო სისტემის მონაცემთა ბაზიდან აღებული მონაცემების მიხედვით ინტერაქციულ რუკაზე (გადიდების, შემცირებისა და გადაადგილების ფუნქციებით) უნდა გამოჩნდეს კონკრეტული მარშრუტის წირი და მისი გაჩერებები;

მგზავრობის დაგეგმვა - ეს ფუნქცია გამოითვლის და აჩვენებს, თუ როგორ შეიძლება მგზავრობა ავტობუსის ან/და მეტროს გამოყენებით ერთი ადგილიდან მეორემდე; აჩვენებს ჩაჯდომის, გადაჯდომის ადგილებს და ფეხით გასავლელ მონაკვეთებს, შუალედურ პუნქტებს შორის გადაადგილების სავარაუდო დროის მითითებით.

ინფორმაციის გამოტანა უნდა მოხდეს ინტერაქციულ რუკაზე, სქემატურად და ტექსტურად.

- ვარიანტები: მეტრო, ავტობუსი ან ორივე (მარშრუტის დათვლაში შეიძლება მონაწილეობდეს მხოლოდ მეტრო, მხოლოდ ავტობუსი ან ორივე);
- A (საწყისი) და B (საბოლოო) წერტილის არჩევა შესაძლებელია მოხდეს ტექსტის აკრეფით (მოხდება ტექსტის აკრეფის დროს შესაძლო ვარიანტების ჩამოშლა და შეთავაზება):
 - სადგურების/გაჩერებების დასახელებებით;
 - ღირსშესანიშნავი ადგილებით;
- A და B წერტილის არჩევა რუკაზე. რუკაზე ნებისმიერ წერტილზე დაკლიკვით გააქტიურდება 200 მეტრის რადიუსზე არსებული გაჩერებები, მომხმარებელს საშუალება ექნება დაკლიკოს გააქტიურებულ გაჩერებაზე, შედეგად ტექსტურ ველში ჩაიწერება არჩეული გაჩერების სახელი;
- დაითვლება სამი შედეგი, სწრაფი, ნაკლები გადაჯდომებით და ნაკლები ფეხით გასავლელი მანძილით. შედეგები უნდა გამოვიდეს სიის სახით და თითოეულზე მითითებული უნდა იყოს გადაჯდომების რაოდენობა, ფეხით გასავლელი მანძილი და სრული დრო;
- კონკრეტული შედეგის ნახვა შესაძლებელი უნდა იყოს:
 - ინტერაქციულ რუკაზე:
 - A, B და გადასაჯდომის წერტილების მითითებით (მაუსის მიყვანისას ამოვა ჰინტი - ინფორმაცია გაჩერების და ტრანსფერის შესახებ);
 - თითოეული მარშრუტის წირის დატანით (მაუსის მიყვანისას ამოვა ჰინტი მარშრუტის ნომერი). სხვადასხვა წირით უნდა აღინიშნოს ავტობუსის მარშრუტი, მეტროს მარშრუტი და ფეხით გასავლელი მარშრუტი;
 - სქემატურად და ტექსტურად, ქრონოლოგიურად ჩამოწერილი მოქმედებებით (გაჩერებაზე X ნომერ ავტობუსზე ასვლა, ჩამოსვლა, გადაჯდომა X-დან Y-ზე და ა.შ.

კონკრეტული გაჩერების ტაბლოს ჩვენება - კონკრეტული გაჩერების ტაბლოზე გამავალი ინფორმაციის ჩვენება რეალურ დროში, ავტომატური განახლებებით.

კონკრეტული მარშრუტისთვის რუკაზე ავტობუსების რეალურ დროში ჩვენება - ინტერაქციულ რუკაზე მარშრუტის წირის დახატვა და მასზე რეალურ დროში განახლებადი ამ მარშრუტის ავტობუსების ადგილმდებარეობის ასახვა;

კონკრეტული მარშრუტისთვის სქემატურად, გაჩერებების მიხედვით ავტობუსების რეალურ დროში ჩვენება - კონკრეტული მარშრუტისთვის გაჩერებების სქემატურად გამოსახვა და მათ მიმართ ამ მარშრუტის ავტობუსების ადგილმდებარეობის აღნიშვნა რეალურ დროში;

PDF დოკუმენტების გენერირება კონკრეტული მარშრუტისთვის სქემატური გამოსახულებით და განრიგის ცხრილით - PDF დოკუმენტის ავტომატური გენერირება, მარშრუტის და გაჩერებების სქემატური გამოსახულებით და განრიგის ცხრილით;

PDF დოკუმენტების გენერირება გაჩერებისთვის კონკრეტული მარშრუტის მისვლის განრიგი - კონკრეტული გაჩერებისთვის კონკრეტული მარშრუტის მისვლის განრიგის ცხრილის გენერირება PDF ფორმატში.

სისტემას უნდა ჰქონდეს გაჩერებების დაკავშირების (საიდან სად შეიძლება გადაჯდომა ან ფეხით გადასვლა) და სხვა ტექნიკური ინფორმაციის მართვის და ადმინისტრირების ინტერფეისი.

ყველა მოდული უნდა მუშაობდეს CSS სტილებით, კონკრეტულ გვერდზე ჩაშენების/გამოძახების დროს მთლიანი დიზაინი უნდა აიღოს ამ გვერდის CSS სტილიდან.

პრეტენდენტების მიერ წარმოსადგენი საკვალიფიკაციო მონაცემების დამადასტურებელი დოკუმენტაციის ჩამონათვალი:

იურიდიულ პირთათვის:

- ამონაწერი სამეწარმეო რეესტრიდან;

ფიზიკურ პირთათვის:

- ცნობა შესაბამისად უფლებამოსილი დაწესებულებიდან, მისი ქმედუნარიანობის შესახებ;

ტენდერში გამოყენებული იქნება ხელშეკრულების შესრულების უზრუნველყოფის მექანიზმი - სატენდერო დოკუმენტაცია, პრეტენდენტის მიერ წარმოსადგენი სატენდერო წინადადება და მისი შევსების წესის 2,7 მუხლის შესაბამისად.

დამატებითი ინფორმაციისათვის მიმართეთ კომისიის აპარატის წევრს ინგა ხვედელიძეს - ტელ: 832-2-35-77-77 (1601)

1. ხელშეკრულების დამდები მხარეები და შესყიდვის ობიექტი

ერთის მხრივ, შპს "თბილისის სატრანსპორტო კომპანია" (მის: ქ. თბილისი, ვაგზის მოედანი №2), წარმოდგენილი - მისი [redacted] სახით (შემდგომში "შემსყიდველი")

და მეორეს მხრივ,

[redacted] (იურიდიული მის: ქ. თბილისი, [redacted]) წარმოდგენილი - მისი [redacted] სახით (შემდგომში "მიმწოდებელი"), ვდებთ წინამდებარე ხელშეკრულებას შემდეგზე:

"სახელმწიფო შესყიდვების შესახებ" საქართველოს კანონისა და "გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის" მოთხოვნათა შესაბამისად, შემსყიდველმა გამოაცხადა ელექტრონული ტენდერი [redacted] სახელმწიფო შესყიდვაზე, რომელშიც, სატენდერო კომისიის გადაწყვეტილებით, გამარჯვებულად მიჩნეულ იქნა მიმწოდებლის წინადადება შემდეგ თანხაზე: [redacted] ([redacted]) ლარი (შემდგომში "ხელშეკრულების ღირებულება")

2. ტერმინთა განმარტებები

- 2.1. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას, რომელიც ახორციელებს შესყიდვას;
- 2.2. "მიმწოდებელი" ნიშნავს პირს, რომელმაც მოიპოვა გამარჯვება შემსყიდველის მიერ გამოცხადებულ ტენდერში (SPA [redacted]);
- 2.3. "ხელშეკრულება სახელმწიფო შესყიდვის შესახებ" (შემდგომ "ხელშეკრულება") შემსყიდველსა და მიმწოდებელს შორის დადებული ხელშეკრულება, მასზე თანდართული, მიმწოდებლის მიერ, წინამდებარე ხელშეკრულების 2,2 პუნქტში მითითებული, ტენდერისათვის წარმოდგენილი, ყველა დოკუმენტით, კერძოდ:
 - 2.3.1. მომსახურების ხარჯთაღრიცხვა (დანართი №1).
 - 2.3.2. მომსახურების გაწევის ვადები და ადგილი (დანართი №2).
 - 2.3.3. ანგარიშსწორების პირობები და ვადები (დანართი №3).
 - 2.3.4. ტექნიკური პირობა (დანართი №4).
 - 2.3.5. საგარანტიო პირობები და ვადები (დანართი №5).
- 2.4. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 2.5. "დღე", "კვირა", "თვე" ნიშნავს კალენდარულ დღეს, კვირას, თვეს.

3. ხელშეკრულების საგანი

- 3.1. ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს [redacted], (შემდგომში "მომსახურება"), ხოლო შემსყიდველი კისრულობს ვალდებულებას, მიიღოს მოთხოვნილი მომსახურება და გადაიხადოს მისი ღირებულება ხელშეკრულებით გათვალისწინებული წესით.
- 3.2. შესყიდვის ობიექტის კლასიფიკატორის კოდი: [redacted].
- 3.3. გასაწევი მომსახურების დასახელება, განზომილება, რაოდენობა და ერთეულის ფასი განისაზღვრება მომსახურების ხარჯთაღრიცხვის შესაბამისად (დანართი №1).

4. ხელშეკრულების შესრულების კონტროლი

- 4.1. შემსყიდველი უფლებამოსილია განახორციელოს ხელშეკრულების შესრულების კონტროლი ნებისმიერ ეტაპზე.
- 4.2. შემსყიდველის მხრიდან ხელშეკრულების შესრულების კონტროლს ახორციელებენ: [redacted] (შემდგომში "ინსპექტირების ჯგუფი")
- 4.3. ინსპექტირების ჯგუფის ფუნქციებია:
 - 4.3.1. გაუწიოს კონტროლი ხელშეკრულებით გათვალისწინებული გასაწევი მომსახურების ვადების დაცვას;
 - 4.3.2. დაადგინოს გაწეული მომსახურების შესაბამისობა ხელშეკრულებით გათვალისწინებულ მოთხოვნებთან;
 - 4.3.3. გააფორმოს მიღება-ჩაბარების აქტი მიმწოდებელთან და უზრუნველყოს გაწეული მომსახურების მიღება.

5. მომსახურების გაწევის ვადა და ადგილი

მიმწოდებელი ვალდებულია, მომსახურების გაწევა განახორციელოს მომსახურების გაწევის ვადებისა და ადგილის შესაბამისად (დანართი №2).

6. მომსახურების მიღება-ჩაბარების წესი

- 6.1. მიმწოდებლის მიერ გაწეული მომსახურება ჩაითვლება მიღებულად მიღება-ჩაბარების აქტის გაფორმების საფუძველზე.
- 6.2. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 6.3. მიღება-ჩაბარების აქტი დგება მომსახურების (ან მისი ნაწილის) ყოველი მიწოდების დასრულების შემდეგ.
- 6.4. მომსახურების მიღება და საბოლოო შემოწმება ხდება მომსახურების გაწევის ადგილზე.
- 6.5. მომსახურების (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7. ანგარიშსწორების პირობები და ვადები

- 7.1. ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად გაწეული მომსახურების მოცულობის შესაბამისად, მიმწოდებლის საბანკო რეკვიზიტებზე;
- 7.2. ანგარიშსწორება განხორციელდება ანგარიშსწორების პირობებისა და ვადების შესაბამისად (დანართი №3).
- 7.3. შემსყიდველი უფლებამოსილია, ხოლო მიმწოდებელი თანახმაა ხელშეკრულების 10.3 პუნქტით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 7.4. საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

8. საგარანტიო პირობები და ვადები

- 8.1. მიმწოდებელი იძლევა გარანტიას, რომ გაწეული მომსახურება იქნება ხარისხიანი, სწორი ექსპლუატაციის პირობებში არ გამოავლენს დეფექტს და შეესაბამება მომსახურების გაწევის ტექნიკურ პირობებს (დანართი №4).
- 8.2. მიმწოდებელი იძლევა გარანტიას გაწეულ მომსახურებაზე, საგარანტიო პირობისა და ვადების შესაბამისად (დანართი №5).
- 8.3. მიმწოდებელი ვალდებულია გონივრულ ვადაში (თუ დანართი №5-ით კონკრეტული ვადა არ არის გათვალისწინებული) განახორციელოს წარმოქმნილი დეფექტის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.
- 8.4. მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

9. ხელშეკრულების შეწყვეტა

- 9.1. ხელშეკრულება შეიძლება შეწყდეს:
 - 9.1.1. მხარეთა წერილობითი შეთანხმებით;
 - 9.1.2. ხელშეკრულების ვადის გასვლის გამო;
 - 9.1.3. 9.2 პუნქტით გათვალისწინებულ შემთხვევებში.
- 9.2. შემსყიდველი უფლებამოსილია, საწარმოო აუცილებლობიდან გამომდინარე, ცალმხრივად (მთლიანად ან ნაწილობრივ) შეწყვიტოს ხელშეკრულება, თუ:
 - 9.2.1. მიმწოდებელი არ ასრულებს ან არაჯეროდან ასრულებს ხელშეკრულებით ნაკისრ ვალდებულებებს;
 - 9.2.2. მიმწოდებელი სისტემატიურად ან/და უხეშად არღვევს ხელშეკრულების პირობებს;
 - 9.2.3. მიმწოდებელი ხელშეკრულებით გათვალისწინებულ ან შემსყიდველის მიერ გაგრძელებულ ვადებში ვერ უზრუნველყოფს ხელშეკრულებით გათვალისწინებული მომსახურების გაწევას.
 - 9.2.4. მიმწოდებლის გაკოტრების შემთხვევაში;
 - 9.2.5. შემსყიდველისათვის ცნობილი გახდა, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

10. მხარეთა პასუხისმგებლობა

- 10.1. მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 10.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.1 პროცენტი ყოველი ვადაგადაცილებული დღისათვის.
- 10.3. მიმწოდებელი კისრულობს პასუხისმგებლობას: მომსახურების გაწევის ვადებით გათვალისწინებული, ვადების დარღვევის შემთხვევაში, პირგასამტეხლოს სახით შემსყიდველს გადაუხადოს გრაფიკით გასაწევი მომსახურების ღირებულების 0.1 პროცენტი ყოველი ვადაგადაცილებული დღისათვის;
- 10.4. მხარეები თავისუფლდებიან პასუხისმგებლობისაგან:
 - 10.4.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშეშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით.
 - 10.4.2. ის მხარე, რომელიც ხელშეკრულების 10.4.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამოწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 (ათი) დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.
 - 10.4.3. ხელშეკრულების 10.4.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

11. ფორს-მაჟორი

- 11.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 11.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი

ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

- 11.3.** ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწვევის ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

12. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. ხელშეკრულებაში ცვლილებების შეტანა

- 13.1.** ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 13.2.** დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 13.3.** საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ღირებულების 10%-ზე მეტი ოდენობით გაზრდა.
- 13.4.** ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

14. ხელშეკრულების სხვა პირობები

- 14.1.** ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი;
- 14.2.** ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან თითო ეგზემპლარი ინახება ხელშეკრულების მონაწილე მხარეებთან.

15. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 2011 წლის 31 დეკემბრის ჩათვლით.

16. მხარეთა იურიდიული მისამართები და საბანკო რეკვიზიტები

“შემსყიდველი”

შპს “თბილისის სატრანსპორტო კომპანია”

ქ. თბილისი, ვაგზლის მოედანი №2

ტელ: (995 32) 2 93 50 50.

სს საქართველოს ბანკის ცენტრ. ფილიალი,

ა/ა 34029810201339550000; ბანკის კოდი: BAGAGE22

საიდენტიფიკაციო კოდი: 202886788

“მიმწოდებელი”

მის: _____

ტელ: (995 32) _____

ა/ა _____; ბანკის კოდი: _____

საიდენტიფიკაციო კოდი: _____